

Član 4.

Poslovna zona "Zenica 1" je namjenjena stvaranju uslova za razvoj malih i srednjih preduzeća te Poduzetničkog inkubatora.

U pogledu djelatnosti primarna namjena zone su proizvodne djelatnosti, a dozvoljeni sadržaji su i druge privredne aktivnosti koje se uklapaju u koncept zone.

Član 5.

Upravljanje Poslovnom zonom "Zenica 1" povjerava se Zeničkoj razvojnoj agenciji "ZEDA" (operator zone).

Nadzor nad ispunjavanjem uloge iz prethodnog stava vrši gradska služba nadležna za poslove lokalnog ekonomskog razvoja.

Član 6.

Sredstva za finansiranje izgradnje infrastrukture i uređenje prostora Zone koji nije priveden namjeni planiraju se u okviru finansijskog plana Zeničke razvojne agencije "ZEDA".

Sredstva za potrebe iz prethodnog stava obezbjeđuju se u Budžetu Grada.

Sredstva koja se steknu od prodaje zemljišta, izdavanja u zakup zemljišta i objekata u Zoni i drugi pripadajući prihodi po osnovu korištenja Zone namjenski se opredjeljuju za finansiranje izgradnje i održavanje infrastrukture i objekata u Zoni.

Član 7.

Režim korištenja Poslovne zone "Zenica 1" uređuje se Odlukom o uslovima ulaska u Zonu i uslovima korištenja Zone.

Odlukom iz prethodnog stava definira se naročito:

- ko može biti korisnik Zone,
- instrumenti upravljanja imovinom odnosno prostorom Zone,
- odnos Zone i korisnika Zone,
- olakšice, poticaji, ograničenja,
- kriteriji za ulazak na prostor Zone,
- procedure javnog tendera.

Član 8.

Ova odluka stupa na snagu danom donošenja, a objavljuje se u "Službenim novinama Grada Zenica".

Broj: 01-01-20954/17

Zenica, 30.11.2017. godine

*ZAMJENIK PREDSJEDAVALA
GRADSKOG VIJEĆA ZENICA
Jasmin Hodžić, s.r.*

97.

Na osnovu članova 36. i 37. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), a u vezi sa članom 13. stav 1. tačka c) i stav 3. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06, 43/08 i 22/09) i člana 21. tačka 6. Statuta Grada Zenica ("Službene novine Grada Zenica", broj: 5/15) Gradsko vijeće Zenica na 16. sjednici održanoj 30. novembra 2017. godine, donijelo je

ODLUKU**o dopuni Odluke o komunalnim taksama****Član 1.**

U Odluci o komunalnim taksama ("Službene novine Grada Zenica", broj: 3/17 prečišćen tekst) iza člana 15. dodaje se poglavlje "PRELAZNE ODREDBE" i član 15 a. koji glasi:

“Član 15 a.

Postupci razreza visine iznosa takse koji nisu okončani do dana stupanja na snagu Odluke o izmjenama i dopunama Odluke o komunalnim taksama ("Službene novine Grada Zenice" broj: 1/17) bit će okončani prema odredbama Odluke o komunalnim taksama ("Službene novine Grada Zenica", broj: 2/15 i 4/15").

Član 2.

Ova Odluka stupa na snagu danom objavljivanja u "Službenim novinama Grada Zenica".

Broj: 01-01-20958/17

Zenica, 30.11. 2017. godine

*ZAMJENIK PREDSJEDAVALA
GRADSKOG VIJEĆA ZENICA
Jasmin Hodžić, s.r.*

98.

Na osnovu člana 21. Statuta Grada Zenica ("Službene novine Grada Zenica", broj: 5/15), Gradsko vijeće Zenica na 16. sjednici održanoj 30. novembra 2017. godine, donosi

ODLUKU**o izmjeni i dopuni odluke o zagrijavanju stambenog i poslovnog prostora Grada Zenice daljinskim grijanjem****Član 1.**

Ovom odlukom vrše se izmjene i dopune Odluke o zagrijavanju stambenog i poslovnog prostora Grada Zenice

daljinskim grijanjem („Službene novine općine Zenica“, br. 7/02 i 6/13).

Član 2.

U Odluci o zagrijavanju stambenog i poslovnog prostora Grada Zenica daljinskim grijanjem u članu 14. briše se stav (3) koji glasi:

„Za vrijeme privremenog prestanka preuzimanja toplotne energije potrošač je obavezan da plaća Distributeru na ime angažovane toplotne energije za grijanje stambenog prostora potrošača paušal u iznosu od 10% cijene grijanja KM/m², izuzev u slučaju više sile.“

Član 3.

Ova odluka stupa na snagu danom objavljivanja u „Službenim novinama Grada Zenica“, a primjenjivat će se od 15.04.2018. godine.

Broj: 01- 01-20960/17

Zenica, 30.11.2017. godine

**ZAMJENIK PREDSJEDAVALAČE
GRADSKOG VIJEĆA ZENICA
Jasmin Hodžić, s.r.**

99.

Na osnovu člana 13. Zakona o principima lokalne samouprave («Službene novine FBiH», broj 49/06) i člana 21. u vezi sa članom 55. i 57. Statuta Grada Zenica (« Službene novine Grada Zenica », broj 5/15), Gradsko vijeće Zenica na 13. sjednici održanoj 28. septembra 2017. godine, donosi

O D L U K U

O OSNIVANJU MJESNE ZAJEDNICE «OSREDAK-GRADINA»

Član 1.

Osniva se mjesna zajednica «Osredak - Gradina » za područje naseljenih mjesta Osredak i Gradina.

Član 2.

Granica mjesne zajednice « Osredak - Gradina » obuhvata:

- a) prema naseljenom mjestu Živkovići granica počinje od mosta na Salačkoj rijeci zv. Strmac uz kosu ka istoku do parcele “Nadravan “ (posjed Durmiš Alijinog Džafera) te nastavlja uz kosu “Križ” na kotu “Lastavica”, gdje je tromeda naseljenih mjesta Živkovići, Gradina i Hodžići (općina Kakanj);

- b) prema naseljenom mjestu Hodžići (općina Kakanj) granica ide od naprijed opisane tromede ka jugu kosom do izvora potoka Lastavica, gdje je tromeda naseljenih mjesta Gradina, Hodžići i Osredak;
- c) prema naseljenom mjestu Vrhpolje granica ide od naprijed opisane tromede i ide uz Salačku rijeku do ušća Ašiković potoka, gdje je tromeda naseljenih mjesta Gradina, Vrhpolje i Zahići ;
- d) prema naseljenom mjestu Zahići granica počinje od naprijed opisane tromede i ide uz Salačku rijeku do mosta na mjestu zv. “Stranac”, gdje je tromeda naseljenih mjesta Gradina, Zahići i Živkovići.
- e) prema naseljenom mjestu Hodžići (općina Kakanj) granica počinje od tromede naseljenih mjesta Osredak , Gradina i Hodžići koja se nalazi na izvoru potoka Lastavica ide ka jugu na kotu Markov kamen, gdje je tromeda naseljenih mjesta Osredak, Hodžići i Radinovići;
- f) prema naseljenom mjestu Radinovići granica ide od naprijed opisane tromede ka zapadu niz kosu uz potok Ivja i ide niz isti potok do njegovog ušća u potok Lastavica, gdje je tromeda naseljenih mjesta Osredak, Radinovići i Gradina.

Član 3.

Sjedište mjesne zajednice je u Osredku.

Član 4.

Mjesna zajednica ima pečat koji je okruglog oblika, veličine 30 mm u prečniku, a sadrži ispisan tekst u koncentričnim krugovima: Bosna i Hercegovina, FEDERACIJA BOSNE I HERCEGOVINE, ZENIČKO – DOBOJSKI KANTON, GRAD ZENICA, MJESNA ZAJEDNICA OSREDAK – GRADINA.

Član 5.

Po uspostavljanju registra mjesnih zajednica, Savjet mjesne zajednice, svojom odlukom opredjelit će lice koje će biti ovlašteno za podnošenje prijave za upis mjesne zajednice “Osredak - Gradina” u registar mjesnih zajednica.

Član 6.

Ova odluka stupa na snagu danom donošenja i objavit će se u «Službenim novinama Grada Zenica».

Broj: 01-01-16440/17

Datum: 28.09.2017. god.

**ZAMJENIK PREDSJEDAVALAČE
GRADSKOG VIJEĆA ZENICA
Jasmin Hodžić, s.r.**